

«Ասի թէ ի ժամանակս մեծին Կոստանդիանոսի իբրև ի յայտ եկին մարմինք նոցա, նա ինքն ետ թաղել զնոսա ի վայելուչ տեղւոջ . . . Սուրբ Գրիգոր Լուսաւորիչն մեր զնացեալ անդ ի Սուկաւէտ լեառն՝ շինեաց եկեղեցիս ի տեղի վկայութեան Սուքիասեանց Քօշիցն և կարգեաց անդէն զգասս կրօնաւորաց:»

Վերի հատուածէն կերևի որ սրբոց մարմիններն վայելուչ տեղ մի թաղուած են, ուր Լուսաւորիչ եկեղեցի շինած և միաբանութիւն հաստատած է:

Արդէն յետոյ պիտի տեսնենք որ Ս. Սուքիասանց նահատակուած վայրն և շուրջն շինութեանց հետքեր չեն նշմարուիր, բաց ի այս Վարմիր վանքից, որ $\frac{1}{2}$ ժամ ի հարաւ արևմուտս կրնկնի:

